



## Communicaziun a las medias

### Rusna da stad? Betg tar Radiotelevision Svizra Rumantscha

Cuira, ils 26-06-2018 – **La stad è medialmain in temp cun in'agenda pli leva, in temp dad ir autras vias che durant il rest da l'onn. Uschia porscha Radiotelevision Svizra Rumantscha (RTR) era questa stad in program spezial. Il program da stad cumenza sonda, ils 30 da zercladur 2018, e cuntinuescha fin dumengia, ils 19 d'avust 2018.**

Curt, frestg e sin il punct: L'emissiu da television «sil punct» infurmescha e tegna sin il current era durant la stad. Tras l'emissiu mainan Livio Foffa, Oceana Galmarini, Corina Schmed ed Isabella Wieland. A moda viva e cumpacta vegn rapportà da quai che capita en Svizra Rumantscha ed en il Grischun. «Sil punct» vegn emess durant la stad da glindesdi fin venderdi, a las 17:45 sin SRF1.

#### «Mia vita – mia musica»: in program per il cor

Durant la stad substituescha l'emissiu «Mia vita – mia musica» l'emissiu «Profil». En mintga emissiu vegn in giast a preschentar sia musica, vul dir ils tocs che han gù ina muntada speziala en sia vita, ch'al han accompagna en bels e trists muments. Ditg curt, las chanzuns che stattan a cor ad el. «Mia vita – mia musica» vegn emess durant la stad mintga sonda, a las 09:03 en il Radio Rumantsch.

#### «Expediziun Grischun»: a la scuverta da lieus pauc enconuschents

Nua è Putz? E nua è insumma Buseno? Durant la stad scuvran las redacturas ed ils redactors da RTR ils lieus pauc enconuschents en il Grischun talian ed en il Grischun tudestg. RTR inscuntra ils indigens, e forsa er inqual turist, e tschertga las istorgias che vegnan raquintadas en il vitg e sur dal vitg. Plinavant datti mintga venderdi da las 06:00 fin las 10:00 in'emissiu live dal lieu ch'è vegn scuvert durant l'emna.

#### «Vita e cretta»: in program per l'olma

En l'emissiu «Vita e cretta» vegnan durant la stad reprendidas tematicas discutadas ils davos onns en l'anteriura emissiu «Forum». En quest'emissiu han experts referì davart tematicas religiusas ed etic-filosoficas. «Vita e cretta» vegn emess mintga dumengia, a las 08:03, en il Radio Rumantsch.

#### «Cuntrasts»: in program per emprender d'enconuscher la Svizra

Sut il titel «Nossa Svizra» mussa l'emissiu «Cuntrasts» duas serias en duas parts. L'emprima part mussa quatter films documentars dals collegas da la RSI, ina seria panoramica tranter auter davart glatschers, chavorgias e fradaglias. En la segunda part vegn emessa ina seria cun il titel «Nus essan la Svizra» che purtetescha personas sco ti ed jau e lur mintgadi en tut las quatter regiuns linguisticas dal pajais. «Cuntrasts» vegn emess mintga dumengia, a las 17:25, sin SRF1.

#### «Marella»: kino per las ureglias

La «Marella» repeta emissius remartgables dals ultims trais onns – emissius ch'èn s'approfundadas en tematicas istoricas, culturalas u economicas. L'emissiu «Marella» vegn sco usità emessa mintga dumengia, a las 09:03, en il Radio Rumantsch.

L'entir program da stad da RTR è sco adina accessibel online sin [rtr.ch](http://rtr.ch), sin las plattafurmas socialas ed en l'app Play RTR.

#### Dapli infurmaziuns

RTR | Madlaina Niggli | referendaria communicaziun e marketing | [madlaina.niggli@rtr.ch](mailto:madlaina.niggli@rtr.ch) | tel. 081 255 75 75